



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ  
Ո Ր Ո Շ ՈՒ Մ**

10 հուլիսի 2019 թվականի №260Ա

քաղ. Երևան

**«ՄՏՍ ՀԱՅԱՍՏԱՆ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ԲԱԺՆԵՏՈՍՄԵՐՆ  
ՕՏԱՐԵԼՈՒՆ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ**

Հիմք ընդունելով «Էլեկտրոնային հաղորդակցության մասին» Հայաստանի Հանրապետության օրենքի 14-րդ հոդվածը և հաշվի առնելով «ՄՏՍ Հայաստան» փակ բաժնետիրական ընկերության 2019 թվականի հունիսի 5-ի և Հայաստանի Հանրապետության բարձր տեխնոլոգիական արդյունաբերության նախարարության 2019 թվականի հուլիսի 3-ի №01/11.1/7943-19 գրությունները՝ Հայաստանի Հանրապետության հանրային ծառայությունները կարգավորող հանձնաժողովը **որոշում է.**

1. Համաձայնություն տալ «ՄՏՍ Հայաստան» փակ բաժնետիրական ընկերության միակ բաժնետեր «ԱՐԱՄԱՅՈՒ ԻՆՎԵՍՏՄԵՆՏԻՍ ԼԻՄԻՏԵԴ» ընկերության բաժնետերեր, Լիբանանի քաղաքացիներ Մուսսա և Պիեր Ֆաթուչյաներին սեփականության իրավունքով պատկանող 20 տոկոս (յուրաքանչյուրը՝ 10-ական տոկոս) բաժնետոմսերը «ՄՈՒԲԱՅԼ ՏԵԼԵՄԻՍԹԵՄՁ» հանրային բաժնետիրական ընկերությանն օտարելուն:
2. «ՄՏՍ Հայաստան» փակ բաժնետիրական ընկերությանը՝ սույն որոշման 1-ին կետում նշված գործարքի կնքումից հետո եռօրյա ժամկետում Հայաստանի Հանրապետության հանրային ծառայությունները կարգավորող հանձնաժողով ներկայացնել վերջինիս առնչվող փաստաթղթերը:
3. Սույն որոշումն ուժի մեջ է մտնում «ՄՏՍ Հայաստան» փակ բաժնետիրական ընկերությանն օրենքով սահմանված կարգով իրազեկելու օրվան հաջորդող օրվանից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ  
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ  
ՀԱՆՁՆԱԺՈՂՈՎԻ ԼՆՏԱԳՈՂ**



**Գ. ԲԱՂԿԱՍՅԱՆ**